



ДАТУМ ОБЈАВЕ / DATUM OBJAVE	БРОЈ / BROJ
24.02.2020.	1/20

OPĆINSKO VIJEĆE
 OPĆINSKO VIJEĆE
 OPŠTINSKO VIJEĆE

Na osnovu člana 13. i 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj:49/06 i 51/09), člana 17. i 32. Statuta opštine Glamoč – prečišćeni tekst („Narodne novine opštine Glamoč“, broj:1/15), člana 93. Poslovnika o radu Opštinskog vijeća Glamoč („Narodne novine opštine Glamoč“, broj:3/05), Opštinsko vijeće Glamoč na 24.sjednici održanoj dana 18. 02.2020. godine, na prijedlog Opštinskog načelnika, donijelo je

ODLUKU

o utvrđivanju kriterija za dodjelu stipendija studentima

Opšte odredbe

Član 1.

Ovom Odlukom uređuju se kriteriji za dodjelu stipendija,uslovi dodjele i visina stipendije redovnim studentima sa područja Opštine Glamoč koji studiraju na jednom od Univerziteta u BiH ili izvan BiH.

Član 2.

Broj stipendija utvrđuje se za svaku godinu na osnovu planiranih sredstava u budžetu za ovu namjenu.

Visina stipendije iznosi 100,00KM mjesečno.

Stipendija se dodjeljuje za jednu akademsku godinu i isplaćivaće se za 10 mjeseci.

Stipendija će se dodjeljivati putem javnog konkursa, u skladu sa kriterijima utvrđenim ovom Odlukom.

Član 3.

Izbor kandidata za stipendiranje vrši se na osnovu prijave na konkurs.

Konkurs sadrži:

- uslove za dodjelu stipendija,
- ukupan broj stipendija koje se dodjeljuju,
- vrijeme trajanja konkursa,
- dokumentacija koja se prilaže uz prijavu,
- naziv tijela kojem se prijave podnose.

Prijave na konkurs se podnose na posebnom obrascu potpisane od strane kandidata.

Kandidat je dužan uz prijavu na konkurs priložiti odgovarajuća dokumenta kojima dokazuje ispunjavanje uslova i kriterija predviđenih ovom Odlukom.

Uslovi i kriteriji za dodjelu stipendija

Član 4.

Opšti uslovi za dodjelu stipendija koje kandidat mora ispunjavati su:

- da je državljanin BiH,
- da kandidat i punoljetni članovi porodičnog domaćinstva upisani u kućnu listu imaju prebivalište na području Opštine Glamoč,
- da je redovan student koji je prvi put upisao akademsku

godinu studija,
- da se školuje na univerzitetima u BiH ili izvan BiH.

Član 5.

Kriteriji za dodjelu stipendija su:

- ostvaren prosjek ocjena,
- socijalni status,
- materijalni položaj,
- da nije korisnik stipendije po drugom osnovu,
- da nije stariji od 26 godina,
- apsolventima se ne dodjeljuju stipendije,
- stipendija se ne dodjeljuje ni licima koji obnavljaju godinu.

Član 6.

Uz potpisanu prijavu kandidati su dužni priložiti slijedeću dokumentaciju:

1. Kućnu listu,
2. Potvrda o prebivalištu na području Opštine Glamoč za sve punoljetne članove porodičnog domaćinstva upisane u kućnu listu, ne starije od 3(tri) mjeseca,
3. Potvrdu o redovnom studiju sa naznakom da je student prvi put upisao određenu godinu studija,
4. Potvrda sa izračunatom prosječnom ocjenom za položene ispite u prethodnim godinama studiranja , odnosno potvrdu o prosječnoj ocjeni tokom srednjoškolskog obrazovanja za studente prve godine(drugi dokazi o ostvarenom uspjehu neće biti razmatrani),
5. Ovjerenu izjavu pod krivičnom i materijalnom odgovornošću da ne prima drugu stipendiju ili studentski kredit,
6. Potvrda sa biroa ili ovjerena lična izjava za nezaposlene članove porodičnog domaćinstva upisane u kućnu listu,
7. Potvrdu poslodavca o prosječnim primanjima u posljednja tri mjeseca iz radnog odnosa, ček od posljednje penzije(ako je penzioner upisan u kućnu listu) i potvrda o primanjima u posljednja tri mjeseca po posebnim propisima invalidnine- ako su upisani u kućnu listu (neće se uzeti u razmatranje platne liste, ugovori o radu i dr.),
8. Dokaz o smrti roditelja za studente bez jednog ili oba roditelja.

BODOVANJE KANDIDATA

Član 7.

Kriteriji po kojima se vrši bodovanje kandidata su osnovni i dopunski.

OSNOVNI KRITERIJ

Osnovni kriterij je postignuti uspjeh na fakultetu, odnosno prosjek ocjena u toku srednjoškolskog obrazovanja za bruoče. Bodovanje po osnovnom kriteriju za sve kandidate vrši se na slijedeći način:

A) Za studente (brucoše) koji prvi put upisuju prvu godinu studija

- ako je prosjek ocjena sva četiri razreda srednje škole 3,5 do 4,5 – 30 bodova
- ako je prosjek ocjena sva četiri razreda srednje škole 4,5 do 5,00 – 50 bodova
- ako je prosjek ocjena sva četiri razreda srednje škole 5,00, a nije učenik generacije -60 bodova

-ako je učenik generacije – 90 bodova

-ako je nosilac jednog ili više priznanja dodjeljenog od kantonalnih, federalnih ili državnih institucija vlasti – 5 bodova
 -ako je nosilac jednog ili više priznanja sa takmičenja na kantonalnom, federalnom ili državnom nivou, a koje je dodjeljeno od udruženja ili drugih nevladinih organizacija i drugih institucija -3 boda.

B) Za studente starijih godina studija kod sistema ocjenjivanja od „jedan“ do „pet“:

-ako je prosjek ocjena od 2,00 do 2,75 – 30 bodova
 -ako je prosjek ocjena od 2,76 do 3,49 – 50 bodova
 -ako je prosjek ocjena od 3,50 do 4,26 – 70 bodova
 -ako je prosjek ocjena od 4,27 do 4,50 – 80 bodova
 -ako je prosjek ocjena od 4,51 do 5,00 – 90 bodova
 -ako je nosilac najviše univerzitetske nagrade – 100 bodova.

C) Za studente starijih godina studija kod sistema ocjenjivanja od „pet“ do „deset“:

-ako je prosjek ocjena od 6,00 do 6,99 – 30 bodova
 -ako je prosjek ocjena od 7,00 do 8,49 – 50 bodova
 -ako je prosjek ocjena od 8,50 do 8,99 – 70 bodova
 -ako je prosjek ocjena od 9,00 do 9,49 – 80 bodova
 -ako je prosjek ocjena od 9,50 do 10,00 – 90 bodova
 -ako je nosilac najviše univerzitetske nagrade – 100 bodova .

DOPUNSKI KRITERIJI

Bodovanje kandidata po dopunskim kriterijima (socijalni status i materijalni položaj) vrši se na slijedeći način:

A) Socijalni status

- Korisnik- student bez oba roditelja - 15 bodova
 -Korisnik student bez jednog roditelja - 10 bodova

B) Materijalni položaj

-Korisnik (student) iz porodice nezaposlenih roditelja - 25 bodova
 -Visina prihoda po članu domaćinstva do 100,00KM - 20 bodova
 -Visina prihoda po članu domaćinstva od 101-200KM - 15 bodova
 -Visina prihoda po članu domaćinstva od 201-300KM - 10 bodova
 -Visina prihoda po članu domaćinstva od 301- 400KM - 5 bodova
 -Visina prihoda po članu domaćinstva od 401-450KM - 3 boda
 -Visina prihoda po članu domaćinstva preko 450KM - 0 bodova.

Član 8.

Ukupan prihod čine prihodi koje članovi domaćinstva ostvaruju po osnovu plata i drugih primanja iz radnog odnosa, kao i primanja po osnovu penzija i primanja po posebnim propisima o pravima ratnih vojnih invalida i civilnih žrtava rata i drugih primanja za koja kandidati trebaju dostaviti odgovarajuću dokumentaciju.

Član 9.

Kada prijavljeni kandidati nakon bodovanja imaju isti broj bodova, prednost će imati kandidat koji ima veći broj bodova po osnovu uspjeha u učenju.

Član 10.

Konkurs raspisuje i provodi Komisija za dodjelu stipendija (u daljem tekstu: Komisija) koju imenuje Opštinski načelnik. Konkurs se objavljuje na oglasnoj tabli Opštine Glamoč i ostaje otvoren 15 dana. Rok za podnošenje prijave počinje teći narednog dana od dana objave istog na oglasnoj tabli opštine. Zadaci Komisije su: raspisuje konkurs, vrši pregled prispjelih prijava i priložene dokumentacije, vrši bodovanje i utvrđuje preliminarnu rang listu kandidata. Utvrđivanje određenih činjenica iz priložene dokumentacije podniete uz zahtjev za dodjelu stipendija Komisija uzima u razmatranje onakve kakve su postojale u momentu zaključivanja konkursa, niti je dozvoljeno dopunjavanje iste poslije isteka roka za konkurs. Neblagovremene i nepotpune prijave neće se uzimati u razmatranje.

Član 11.

Nakon provedenog postupka Komisija će utvrditi preliminarnu rang listu kandidata prema broju osvojenih bodova. Rang lista se objavljuje na oglasnoj tabli Opštine Glamoč i obavezno sadrži: prezime, očevo ime i ime podnosioca zahtjeva; broj bodova po svakom osnovu i ukupan broj bodova.

Član 12.

Na preliminarnu rang listu može se podnijeti prigovor Opštinskom načelniku u roku od 8 (osam) dana od dana objavljivanja na oglasnoj tabli Opštine Glamoč. Po isteku roka za podnošenje prigovora Opštinski načelnik odlučuje o prigovorima u roku od 15 dana. Na Odluku Opštinskog načelnika po prigovoru može se izjaviti žalba Drugostepenoj komisiji za žalbe Opštine Glamoč u roku od 8 dana. Konačnu listu dodjeljenih stipendija utvrđuje Opštinski načelnik.

Član 13.

Prava, obaveze i odgovornosti davaoca stipendije i primaoca stipendije uređuju se posebnim ugovorom koji zaključuje Opštinski načelnik sa primaocem stipendije za svaku akademsku godinu. Ugovor o dodjeli stipendije sadrži:
 -ime, odnosno naziv ugovornih strana,
 -naziv fakulteta i godinu studija,
 -visinu iznosa stipendije,
 -vrijeme za koje se stipendija dodjeljuje,
 -obaveze u pogledu vraćanja stipendije,
 -druga prava i obaveze ugovornih strana.

Član 14.

Korisnik stipendije gubi pravo na stipendiju ako se u toku akademske godine utvrdi:
 -da je napustio redovno studiranje,
 -da promjeni prebivalište,
 -da koristi stipendiju po nekom drugom osnovu,
 -da mu je izrečena disciplinska mjera isključenja sa fakulteta ,
 -da je upućen na izdržavanje kazne zatvora duže od 6 mjeseci.

Član 15.

Nakon završetka studija korisnik stipendije je dužan raditi na području Opštine Glamoč dvostruko vrijeme trajanja stipendije.

Ako se korisnik stipendije ne uspije zaposliti u roku od 6 (šest) mjeseci nakon završetka studija oslobađa se vraćanja novčanog iznosa dobijenog po osnovu stipendiranja.

Član 16.

Danom stupanja na snagu ove Odluke prestaje da važi Odluka o utvrđivanju kriterija za dodjelu stipendija studentima broj:OV-01-02-157/11 od 24.11.2011. godine i Odluka o izmjenama Odluke o utvrđivanju kriterija za dodjelu stipendija studentima broj:OV-01-02-69/13 od 26.03.2013. godine.

Član 17.

Odluka stupa na snagu danom donošenja, a objaviće se u „Narodnim novinama opštine Glamoč“.

Broj:OV-01-02-08/20

Predsjednik OV-a

Dana, 18.02.2020. godine

Marko Damjanović

Na osnovu člana 13. Zakona o načelima lokalne samouprave, ("Službene novine Federacije BiH", broj:49/06 i 51/09), Presude ustavnog suda FBiH, broj:U-55 /17 od 12.02.2019 godine, te člana 105 i 106. Zakona o poljoprivrednom zemljištu, ("Službene novine Federacije BiH", broj: 52/09), člana 104,105 i 120, Zakona o poljoprivrednom zemljištu ("Narodne novine HBŽ", broj : 2/10), i člana 17. Statuta opštine Glamoč- prečišćeni tekst ("Narodne novine Opštine Glamoč, broj:1/15), Opštinsko Vijeće Glamoč na 24. sjednici održanoj dana 18.02.2020. godine donijelo je

ODLUKU

o davanju prethodne saglasnosti o raspisivanju javnog poziva za zakup poljoprivrednog zemljišta u državnom vlasništvu na području opštine Glamoč

Član 1.

Daje se prethodna saglasnost opštinskom načelniku da raspiše Javni poziv za zakup poljoprivrednog zemljišta u državnom vlasništvu na području Opštine Glamoč za sve slobodno poljoprivredno zemljište na katastarskim opštinama kako slijedi: K.O(Dolac, Vidimlije, Jakir, Malkočevci, Glamoč, Kovačevci, Halapić, Glavice, Odžak, Hasanbegovci, Mladeškovići, Isakovci, Hotkovci, Vagan, Rore, Crni Vrh, Popovići, Pribelja, Hrbine). Zbog same obimnosti broja k.č. u navedenim k.o. iste će biti sastavni dio javnog poziva za zakup poljoprivrednog zemljišta u državnom vlasništvu na području opštine Glamoč.

Član 2.

Poljoprivredno zemljište iz člana 1. daje se na zakup na rok od jedne (1)godine , za biljnu proizvodnju.

Član 3.

Ugovor o zakupu poljoprivrednog zemljišta na osnovu provedenog Javnog poziva ,kao i Oduke Opštinskog vijeća

Glamoč o izboru najpovoljnije ponude zaključuje opštinski načelnik.

Član 4.

Poziv za zakup poljoprivrednog zemljišta obavezno sadrži: Ko raspisuje konkurs, podatke iz zemljišnih knjiga o poljoprivrednom zemljištu po (k.o. i k.č.) ,vrijeme trajanja poziva za zakup poljoprivrednog zemljišta, početnu cijenu zakupa poljoprivrednog zemljišta po katastarskim kulturama zakupa, rok plaćanja zakupnine i namjene korištenja zemljišta, te potrebnu dokumentaciju uz prijavu na poziv,od čega je obavezna dokumentacija za sve pravne i fizičke osobe koje se prijavljuju na javni poziv ,dokaz,odnosno potvrda ili uvjerenje da ista nema neizmirenih finansijskih obaveza prema opštini Glamoč.Pravna ili fizička osoba koja se prijavljuje na javni poziv dužna je u prijavi kao obaveznu dokumentaciju priložiti dokaz o uplati depozita u iznosu od 10% od početne vrijednosti zemljišta za koju aplicira.Depozit ima ulogu garancije za ozbiljnost ponude,te se isti neće vraćati nikome od ponuđača do okončanja postupka i zaključenja ugovora za predmetne parcele .Pravnim i fizičkim licima koji budu odabrani kao najpovoljniji ponuđači a koji odbiju ili propuste potpisati ugovor o zakupu predmetnog zemljišta ,depozit neće biti vraćen ,a ugovor će biti ponuđen drugoplasiranom ponuđaču.

Član 5.

Postupak po javnom pozivu zakupa poljoprivrednog zemljišta provešće Komisija imenovana rešenjem OV Glamoč ,broj: OV-01-02-26/17 od 20.02.2017 godine,komisija iz prethodnog stava obavezna je izvršiti rangiranje prispjelih ponuda ,a prijedlog rang liste uputiti opštinskom vijeću radi donošenja odluke o izboru najpovoljnijih ponuda.

Član 6.

Članovi Komisije ne mogu učestvovati na pozivu,Otvaranju ponuda prispjelih na poziv mogu prisustvovati zainteresovani učesnici, a u slučaju nemogućnosti prisustva ponuđača, osoba koja ima ovlaštenje, odnosno punomoć.Učesnici na pozivu koji su prisustvovali otvaranju ponude mogu dati svoje prigovore na rad Komisije isti su dužni unijeti u zapisnik.

Član 7.

Rok za podnošenja prijave na javni poziv je 15 dana od dana objavljivanja javnog poziva na oglasnoj tabli opštine Glamoč,Veb stranici opštine Glamoč i sredstvima javnog informisanja .

Opštinski načelnik zadržava pravo poništenja u cijelini ili djelimično javnog poziva i neobavezuje se nadoknaditi troškove koje ponuđač bude imao po javnom pozivu.

O rezultatima javnog poziva kandidati će biti obavješteni u roku od osam dana od dana donošenja odluke o odabiru najpovoljnije ponude.

Član 8.

Ova Odluka stupa na snagu danom donošenja a objaviće se u Narodnim novinama Opštine Glamoč.

Bosna i Hercegovina
Federacije Bosne i Hercegovine
Kanton 10
OPŠTINA GLAMOČ
OPŠTINSKO VIJEĆE

Broj: OV-01-02-07/20
Glamoč, 18.02.2020 godine

Predsjednik OV Glamoč
Marko Damjanović

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 17. Statuta opštine Glamoč – Prečišćen tekst („Narodne novine opštine Glamoč“, broj: 1/15), člana 93. i Poslovnika o radu Opštinskog vijeća Glamoč („Narodne novine opštine Glamoč“, broj: 3/05), Opštinsko vijeće Glamoč na 24.sjednici održanoj dana 18.02.2020. godine, donijelo je

ZAKLJUČAK

I

Da direktor Doma zdravlja Glamoč uputi zahtjev prema Vladi K-10 i Ministarstvu rada, zdravstva, socijalne skrbi i prognanih za traženje neophodnih finansijskih sredstava za normalno funkcionisanje Doma zdravlja Glamoč i da se uključe politički subjekti koji participiraju u vlasti na nivou Kantona-10 u rješavanju ovog pitanja.

II

Zaključak stupa na snagu danom donošenja, a objaviće se u „Narodnim novinama opštine Glamoč“.

Broj: OV-01-02-06/20
Dana, 18.02.2020. godine

Predsjednik OV-a
Marko Damjanović
